



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**De scholasticæ Theologiæ Vanitate, qua superioris  
ætatis homines, doctrinam & religionem suam  
tueba[n]tur, Liber, in locos communes digestus. Omnibus  
ueræ ac solidæ pietatis studiosis in primis ...**

**Sarcerius, Erasmus**

**Francoforti, 1541**

**VD16 S 1775**

De Merito.

**urn:nbn:de:hbz:466:1-29838**

## DE MERITO.

Meritum passionis Christi, est thesaurus Ecclesie, ex quo dantur indulgentiæ.

Meritum sanctorum nos adiuuari, pie credendum est.

Christus non solum nobis, sed & sibi meruit.

Meritum magna est diuersitas, & habent inter se merita magnam prerogatiuam, & disparia præmia in uita æterna.

Optimè meriti sunt de Ecclesia, qui meritum congrui & condigni inuenerunt ad gratiam obtinendam.

Meritum congruū & condignum, media sunt & scalæ, quibus transitur ad gratiam.

Opera nostra meritoria sunt, non solum harum aut illarum rerum, sed etiam iustitiæ, uite æternæ &c.

Merita nostra honorem & meritum Christi commendant atq; eleuant.

Homo post habitū illum, seu primam gratiam, quā meruit nobis Christus, ut facilius seruumus præcepta Dei, de condigno meretur.

Si per misericordiā saluandī sumus, nihil interest inter hos, quibus contingit salus, et quibus non cōtingit: igitur necessitas postulat, meritū condigni querere, siquidem necesse est, discrimen esse inter saluandos & damnandos.

Homines non solum legi satisfacere possunt,

DOCTRINA SCHOLAST.

sed etiam amplius facere. Et quia monachi amplius faciunt, super sunt eis merita. Et quoniam liberalitas est, largiri alijs, de eo quod superest, licet donare illa merita alijs. Magnum est huius donationis sacramentum.

Induere mortuis cucullum, signum seu testimonium est, applicata esse aliena merita.

Contritione meremur gratiam.

Licet merita superflua alijs uendere.

Meritis ac uotis sanctorum & iusti sumus, & salui &c.

Merita non sunt uniformia, sed habent certos suos gradus.

Unus potest alteri mereri bonam inclinationem ad primam gratiam, sed non primam gratiam per se.

Quando facimus, quod in nobis est, meremur formaliter primam gratiam de congruo.

Opera sanctorum meritoria sunt uitae aeternae, iuxta illud Matthaei cap. 5. Beati estis, quum homines maledixerint uobis &c. Gaudete et exultate. Ecce enim, merces uestra copiosa est in caelis &c.

Deus iustus iudex, nullum bonum irremuneratum relinquit, nec malum impunitum: ergo Deus remunerat propter merita.

In habentibus usum rationis necesse est etiam addere meritum proprium, secundum illud: Si uis ad uitam ingredi, serua mandata, Et sicut prudentia

dentia est auriga uirtuosorum actuum, ita fides actuum meritoriorum.

Meritum non cōmensuratur labori, sed perfectioni charitatis & incensionis actus.

Iustificatus per poenitentiam potest mereri augmentum glorię per bona opera quę fecit, dum erat in peccato.

Nemo potest alteri mereri primam gratiam, sed merito congrui potest quis alteri mereri.

Quod beata uirgo meruit portare Christū, debet intelligi de merito condigni.

Item mali dicuntur mereri temporalia, quia nullum malum irremuneratum.

Peccator aliquando meretur occasionaliter per alios.

Fœlix culpa quę meruit Christum habere redemptorem.

Sufficiens est habilitatio ad gratiam, si homo facit quod in se est.

Omne meritum uel demeritum acquiritur in hac uita. Item non bonum facere, sed bene facere, laudabile est, non enim uerbis, sed aduersus meremur.

Opera meritoria totaliter sunt à gratia, & totaliter sunt à libero arbitrio.

Ex parte hominis tria in merito eius attenduntur, subiectum, hoc est, anima, liberum arbitriū, & intentio siue finis. His tribus respon-

## DOCTRINA SCHOLAST.

dent tria ex parte Dei, gratia, uirtus, & charitas. Gratia redditur subiectum Deo gratum, uirtus habilitat liberum arbitrium, charitas intentionem dirigit ad finem debitum.

Meritum consistit penes liberum arbitrium occasionaliter, sed non sufficit ad meritum.

Penes gratiam est meritum efficaciter, quia sine gratia nullus motus meritorius.

Tota uis merendi uitam æternam, consistit in charitate, non tamen totus effectus, quia merendi effectus consistit etiam penes magnitudinem operis.

De præmio substantiali meretur homo tantum uno opere, quantum per mille manente radice eadem, & non crescente.

Meritum est actio, qua iustum est, ut agenti aliquid detur.

Meritum est operatio aliqua liberè à uoluntate elicitam ad præmij retributionem illi uel alteri acceptam.

Meritum nostrum totum consistit in iustitia & operatione secundum iustitiam, & per consequens in operatione secundum uirtutem erga Deum & proximum.

Anima informata gratia per actum à uoluntate simul & gratia elicitum, de condigno meretur æternæ beatitudinis præmium.

Difficultas operis multum facit ad meritum, & in tantum, ut homo qui est multo minoris cha-

charitatis, quàm angelus, possit mereri, ut perueniat ad sublimitatem angelicam.

Ad meritum tria requiruntur, status uig, dominium operis, & charitas.

Meritum importat æqualitatem iustitiæ.

Meritum est actio, qua iustum est, ut agenti aliquid detur.

Timor pœnæ æternæ est meritorius per se, ut est in uoluntate, per accidens autem ut est passio.

Gratia est principium merendi remotum, charitas uerò est principium merendi proximum.

Existens in gratia, meretur ex condigno uitam æternam ratione gratiæ, sed tantum ex congruo ratione liberi arbitrii.

Homo quolibet actu meritorio, meretur augmentum gratiæ, sed non statim augetur.

Aliquis per bona opera potest alteri mereri augmentum gratiæ.

Singulæ uirtutes merentur singula præmia.

Meritum uite æternæ, primo pertinet ad charitatem, secundo ad alias uirtutes.

Quilibet actus charitatis meretur uitam æternam.

Vnus potest pro alio mereri, quantum ad dimissionem pœnæ.

Nobilius est aliquid habere ex merito, quàm sine merito.

Meritum

## DOCTRINA SCHOLAST.

Meritum condignè inquitur iustitiæ, meritum congrui soli misericordiæ.

Meritum propriè dicitur respectu æternorum bonorum.

Quanto est magis arduum opus, tanto est magis meritorium ratione bonitatis, non quidem ratione difficultatis, nisi per accidens maioris conatus & attentionis.

Meritum martyris etiam minimi est maius secundum genus operis, merito cuiuscunq; cōfessoris, non autem essentialiter.

Meritum est æquale præmium uitæ eternæ, æqualitate quantitatis, imò æqualitate proportionis.

Quantitas meriti potest attendi ex duobus, ex difficultate & bonitate operis, & ex uoluntate & charitate operantis.

Labor maior est magis meritorius, quam labor minor, tripliciter: ratione maioris charitatis, ratione nobilioris operis, & ratione magis difficilis operis.

Actus intensior paruæ charitatis est magis meritorius præmiij accidentalis, quam actus remissus magnæ charitatis.

Qui ex charitate pro alio meretur, saltè merito congrui, magis sibi meretur.

Meritum est causa præmiij.

Præmium duplex respondet merito, scilicet delectatio & gloria.

Præmium